

仙傳外科秘方卷之八

造八

凌儀原陽子題宜其集

夫醫官用藥如將帥之用兵諺云千軍易得一將難求決勝者良將也決効者良醫也知兵之勝敗出於良將之權知人之死生出於

良醫之診視雖有三軍無良將則兵不能自勝雖有千方無良醫則藥不能自效蓋良將必得兵而用之良醫必得藥而用之良將之威以能用奇兵而勝敵良醫之功以能用奇藥而愈疾用兵用藥當先求其良將良醫而用之苟非其人則兵藥無成功矣

治身之不疾當從其良醫之美論

聖惠方經云夫癰疽何以別之善然五臟不調則致癰久患消渴之證亦多發癰疽之疾飲食不節喜怒不常陰氣不足陽氣有餘榮衛不和則血溢不行血溢不行則衛氣不通而熱相搏乃發為癰疽故生大熱甚則肉腐為膿然不能陷肌膚於骨髓骨髓不為焦枯五臟不為傷損下陷肌膚骨髓焦枯內連五臟血氣枯竭當其病下陷筋骨良肉無餘癰

疽之生有內有外內則生於胃腹臟腑之間外則生於膚肉肌骨之表凡此二毒發無定處而有常名夫癰之本者始於血老不汗汗內陳不脫垢蒸氣不能外達留積遂成熱所為也

夫癰疽疔生膿水之成非天降非地出蓋積之所成也夫保全性命者竭醫於無傷防萌於未形理之於未成是謂謂覺而夕理然而發有多端感動不一為瘡為癰為疔為癰為疽初覺小異須懷大怖時人輕之誤死者眾夫癰疽初生其狀至微人多不以為然宜速療熱發於皮膚之間是以浮腫根小至大不過一二十寸者為癰也大疔積熱騰出於外內之間其發暴盛腫皮先軟侵展廣太為癰疽有虛有實虛則補之實則瀉之有實熱者易療虛寒邪熱者難療腫起堅硬膿稠者為實腫下軟慢膿稀者為虛蓋病多為方法而無次序臨時愴惶何能辨此疾之淺深是以斃也

夫癰疽者同夫暴蹶之疾有是傷必為患

然而發癰疽有急治發於喉舌頭面腦項之間肩背上臂膈裏乳妉之間若生險處此為大節朝覺夕理或可獲痊或不過良醫自復不明比喻縱使常醫治之得痊者幸矣人多不以為急此實惟宜急療不速療之病成難救以此傷生者不一也

凡癰斯疾如救火拯溺追奔逐賊之類也若不速療必為大禍矣然癰疽所發有三等腫高而軟者發於血脈腫下而堅者發於骨肉皮色不變者發於骨髓淺瘡者欲在薄處深瘡者欲在厚處

夫癰疽腫大按乃痛者膿深小按便痛者膿淺所按之處不復者無膿必是水也按之即復者有膿也發腫都軟者血癰也非癰也發腫日漸增長而不太熱時時卒痛者氣癰也謂氣結為腫久久而不消後亦成癰疽疔毒此是寒氣所為也留積經久極陰生陽寒化為熱所以潰者也此潰必成瘰癧然而病有變證疾有盛衰明之於心非偶能盡醫者意也隨時之議

聖惠曰癰疽發背疔瘡乳癰疽之癰有五善七惡之證不可不察也煩燥而嗽或腹痛而渴甚而洩和無度或小便如淋一惡也膿血大洩腫焮尤盛膿色敗死疼痛不止二惡也喘震短氣恍惚嗜卧三惡也目視不正黑睛赤腫瞳子上看者四惡也肩項不便四肢沉重五惡也不能進食飲服藥嘔吐食不知味六惡也聲嘶色脫唇鼻青赤而目四肢浮腫七惡也痛息自寧飲食知味一善也便利調勻二善也膿腫自消色鮮不死三善也神采晶明語聲清朗四善也體氣和平五善也若五善見二則瘡七惡見四則危然則病有厚同七惡皮緊急之如善病有厚同五善皮緩虛而如惡夫如是者豈凡夫之所知哉若五善併至則善無以加也若七惡併臻則惡劇矣今載候證并如俞膜以詳明之

起者脾癰也中脘隱隱而痛者胃疽也上肉微起者胃癰也京門隱隱而痛者腎疽也上肉微起者腎癰也天樞隱隱而痛者大腸疽也上肉微起者大腸癰也丹田隱隱而痛者三焦疽也上肉微起者三焦癰也關元隱隱而痛者小腸癰也上肉微起者小腸癰也右驗其人所膜依據此證審定癰疽淺深者病從何臟發先曾食何乳石又驗其氣虛實參詳而療之

千金曰凡癰疽始發或大癰或小癰或大痛或小痛宜善察之見有小異即須大驚忙則急治之及斷諸毒物莫食令善肉速生并斷房事三月慎固冷風勞損待筋血脈平復乃可任意耳若不緊固新肉易傷傷重又潰再發則禍至矣慎之慎之凡癰疽初發急服追疔奪命湯內消

化毒消腫托裏散 秘傳內托千金散  
十六味流氣飲 陰重者內寒散  
中間敷解毒生肌散 外敷化毒散  
血拔毒散

敷貼化毒生肌後用鐵筒拔毒膏點散之如是諸發以開不能住可以四圍中間以點自皮破則止初發便散有膿者用此藥點破令膿即出如出不盡用藥煮吸筒拔出其膿毒水血即便愈矣

凡腫根脚廣一寸至三寸瘡也二寸至五寸癰也五寸至一尺疽也一尺至三尺名竟體如豆粒大名胞子疽發腫成膿九孔皆出膿若出盡用摘鑷摘去腐肉膿根方盡便敷生肌定痛藥肉滿之後用隔紙膏藥

藥

又經云氣塞於經絡中血氣俱凝不行壅結為癰疽不言熱氣所作其後成癰乃言陽氣湊集寒化為熱熱盛則肉腐為膿也由人體有熱被寒冷搏之而脈凝不行熱氣壅結成癰疽也 大按乃痛者病深小按便痛者病淺按之處陷不復者無膿按之處即復者有膿不復者可消若按之都牽強者未有膿也按之半軟者有膿也又手按上下不熱者無膿若熱甚者有膿凡覺有膿急當破之無膿

但氣腫若有血慎之慎之不可針破也以用千金拔毒膏點散住之四圍堅中軟者此為有膿審也一邊軟亦可有膿都堅者此為惡核或有氣也都軟者此為有血血腫也當審堅軟虛實為要若堅疽積久後者更變熱傷有軟處當軟處切不可針破也軟疽者溫煖畏衣置之耳若針灸刺破不可療也

凡癰疽有膿勿憂其皮厚也宜急破之如是骨癰者皮色不變也急服化毒消腫托裏散及走馬散數藥用化毒拔毒散敷出

毒長以去血不成膿者即愈如出血及膿皮膚用針針入三四分深如是出膿不可當頭破之須從下頭破者為慎膿出盡矣

則肉生用生肌敷藥次用膏藥愈矣又曰發于頸者名曰天疽其狀大而赤黑不急速療則熱氣下入淵液前傷任脈內

薰肝肺十餘日死經曰項前頸名衛濟寶書耳後一寸三分至命之處發之必死故銳毒不治銳毒者銳其毒也名曰發頤乃熱氣上蒸連額而口者穿喉立死

又發腦疽者熱氣上攻于腦出皮膚作頭初發如黍米四畔嫩赤腫硬連於耳項寒熱疼痛若不急療毒氣入于血肉血腐爛化為膿水從頭中而出血氣內竭必致死矣 外臺諸發于噎中名曰猛疽不急

治則血為膿不瀉塞咽喉而死半日血化為膿者膿瀉不食三日亡一云無食陽氣大發消腦爛疽其色不樂一作除項痛如刺以針心煩者死不可治之又驗其氣虛實悉詳而療之也

又曰發于背者名井疽狀如豆大三四日起不早療下入腹中入腹不療十日死寒熱不去亦死矣

又曰發于足指名曰脫疽其狀赤黑無水者死不療不赤黑有水者可療療不衰急斬去之得活矣不去者亦死

聖惠曰瘡若膿水汁出不盡而瘡口早合雖好風毒未解復發惡汁速出則變成瘰癧矣此言可謹而守之慎之方具于後

先急服追疔奪命湯立效方載後

化毒消腫托裏散專治癰疽發背發乳骨癰疔瘡腫毒及一應諸般惡瘡癰咽喉腫痛

人參無亦 赤茯苓 白木各六錢  
 滑石 桔梗 金銀花各二兩  
 荆芥穗 山梔子各五兩 當歸一兩

川芎 黃芩 赤芍  
 蒼朮 麻黃 大黃  
 黃芩 防風 甘草  
 薄荷 連翹 石膏  
 芒硝加縮砂不用此 或加瓜萋 牡蠣

貝母 木香  
 疔瘡加 腳蓮 荷車  
 癰疽加 車錢子 木通 竹葉  
 疼痛加 乳香 沒藥  
 咽喉加 大黃 梔子 竹葉 燈草

腳氣加 宣木瓜 檳榔  
 嗽加 半夏姜汁製用  
 右吹咀每服五錢重水一碗葱白一根煎熱服汗出為度服後若利三五行為妙大病不過三五服即內消化毒盡矣

病不過三五服即內消化毒盡矣

內托千金散專治癰疽發背腦疽乳癰諸惡瘡癤等證

人參 當歸 黃耆

白芍藥 川芎 防風

官桂 桔梗 白芷

甘草 瓜蒌 金銀花

痛甚者加 當歸 芍藥

乳香 沒藥

右吹咀每服七八錢重水二大盞煎至七分入好酒半盞去滓溫服日進二三服之

後瘡口有黑血出者及有汗出此藥之功効也不問證候猛惡用藥一兩重水一大碗入酒服不成自散已成即潰

秘傳十六味流氣飲亦名內補散杜襄散

人參 當歸 官桂

川芎 防風 白芷

桔梗 嫩黃耆 甘草

厚朴去皮已上各三錢重

右加六味于後

南木香 白芍藥 大腹子

烏藥 枳殼 紫蘇葉炒令透

右各三錢重 不退加 白茯苓 白朮煨 熟地黃洗

進飲食加宿砂 香附子

疼痛加 乳香 沒藥

水不乾加貝母 知母

瘡不穿加皂角刺 咳嗽加 陳皮白去 半夏溫湯洗七次 杏仁用

大便祕加大黃 枳殼

小便祕加門冬 車錢子 木通 燈草

前方專治癰疽發背乳癰脚痛諸般惡瘡

瘡毒未成速散已成即潰敗膿自出惡肉

自去服此藥後疼痛頓減此嘗用之非常

有驗

右總為細末每一服五六錢重用酒調服

不飲酒者木香湯代之米湯亦可詳味此

方其所用藥皆發散風毒調理氣血排膿

止痛生肌長肉等藥五毒不識而生收瘍

醫者十全之功尚以氣不和多用氣藥為

主血不和多以血藥為主

右吹咀用水一盞半葱白一根煎至七分

加酒一呷病在上食後服病在下空心服

之立見神効

內塞散治諸惡瘡癰熱退膿血不止瘡肉虛

證疼痛可排膿定痛生肌內補

人參去 當歸去 黃芪溫湯

芍藥去 茯苓去 防風去

桂心各二錢 桔梗 遠志

甘草 白芷各一 宿砂

香附子 厚朴各二 赤小豆五

附子二枚 五味子 茯苓 陳皮

煩渴加 白芍藥 熟地黃

右吹咀用水一盞半生姜三片煎至七分

入酒熱服

仙方解毒生肌定痛散專治癰疽發背乳癰

人面外賺金刀諸般惡瘡癰腫毒

黃連兩一 黃柏兩一 木澤兩一

防風兩一 苦參兩一

加羌活 獨活

右咬咀大瓦瓶盛水入前藥煎湯以爐乾石十斤用炭火煨通紅鉗出在藥湯內不問幾片大小者皆要以酥內青色方好如石不酥再將前藥滓煎湯再以石滓酥方了却將瓦盆蓋在地上一直夜收火毒將起俟乾研為極細末此石十斤用石膏二十斤別研極細拌勻和後藥用度

赤石脂煨 谷丹炒 此二味同前打和 南木香 血竭 降真節

乳香 沒藥 白芷

黃連 黃柏 白欬各等分 龍骨煨 加殊砂 何首烏

有蟲加 輕粉 苦參 百藥煎 雄黃 水不乾加 螺蛳去殼無名異 煨茶 燒灰

右各為細末與前藥拌和用之數中間洗藥用此藥煎湯乾淨洗之

防風 白芷 赤芍 苦參 甘草節 荆芥 艾葉 金銀花 蒼耳草 羌活 獨活 荷葉蒂

當歸尾 牙皂 栢子 蜂房

右先薰後待溫冷用洗得乾淨以絹衣抹乾後用清油硬調前生肌定痛散敷之如濕乾搽無膿不要留口一日一換如有膿可以留口出毒去膿水用藥已干可便用黑紙蓋之以絹帶緊縛三五轉外賺三日一換不要打動立有功效

如要爛去腐肉 右取生蜈蚣一條用竹筒盛油放蜈蚣在內

浸死用火煨為末加此小在前敷藥內敷之一晝夜其痛不止即洗去此藥却換前藥便不痛矣即生肌 四圍敷藥化毒散血拔毒散治一應諸惡瘡并脚疾

赤芍藥 防風 白芷

內消 腳連 荷車

北細辛各三 歸尾 姜蠶 蟬退 五加皮二

如敷不退加此數之即能消散

南星 何首烏 五葉根

右總為細末用生薑連滓及醋敷之如要即散急加大蒜同敷之毒氣即出立效

臟腑秘加 藥大黃 枳殼去白 火麻子 小腑秘加 木通 車錢子 燈草

赤芍藥 赤茯苓 如涼冷加 華撥 良姜

右前方專治寒濕脚氣發背一應惡瘡諸般腫毒敷之即散又能定痛服此大能溫和化毒散血托裏可用帶皮生薑一大塊以無灰好酒連藥搗爛銜熱溫服病在上食後服病在下臨卧服一二服後腫盡消矣

鐵筒拔毒膏 點破諸般瘡癰初發點破便散

好石反不過火 糯米南星當歸 硃砂如去毒不用 砂牯牛 斑猫 右用後反煎熱水濾汁煎成調前藥用

真炭灰 桑柴灰 芝麻灰

皂角三四皮 椰柴灰

右以前灰汁入於鍋內用慢火熬之待汁面上有白霜起方住火以器貯之可用調前藥小小點之三五次皮破毒氣以出水即止

吸毒竹筒發背癰疽疔瘡腫毒用此以拔出膿血惡水

蒼朮 白欬 烏樞皮

厚朴 艾葉 好茶芽

白艾 白蒺藜各等分

右法用苦竹筒三五七箇長一寸一頭留節削去其青令如紙薄隨大小用之却用前藥煮竹筒十所沸待藥乾為度乘竹筒熱以手便按上緊吸於瘡口上膿血水滿自然脫落不然用手拔脫更換別箇竹筒如此三五次毒盡消之即敷生肌藥內滿後用膏藥即愈  
仙方隔紙膏名神應膏專治發背乳癰外腫下蛙諸般惡毒瘡疔

黃連 何首烏去皮 草烏去皮

當歸尾 白芷各半 川烏去皮

後用 黃丹一兩 乳香二兩 沒藥二兩

右總咬咀用清油五兩重同藥一處入於銚子內文武火熬待藥黑色用布濾去滓仍將藥油入銚內下黃丹用挑柳枝一把不住手攪之又黑色即將血竭乳沒細末入內攪勻畧煎滴在水中成珠不散却用瓦碗盛之洗在冷水中浸一晝夜出火毒

用之神效  
太一神應膏又名金絲萬應膏 萬靈膏 專治發背癰疽疔瘡惡瘡傷損心痛脚氣腰痛無不効驗

川烏錢一 草烏錢半 黃連錢二

黃柏錢一 赤芍藥錢一 白芍藥錢一

玄胡索錢一 歸尾錢一 良姜錢半

木鱉錢半 姜蘇錢一 亂髮錢半

紫荊皮錢半 地龍錢半 石南藤錢半

川山甲錢半 白芷錢半 川芎錢半

牽牛錢半 槐花錢半 五倍子錢半

地骨皮錢半 杏仁錢半 花椒錢半

茴香錢半 茅香錢半 玄參錢半

蒼耳草錢半 桂皮錢半 南星錢半

瓜蒌錢半 苦參錢半 蒼朮錢半

五加皮錢半 防風錢一 熟地黃錢一

蜜陀僧錢一 丁香錢一 內消錢一

藜蘆錢一 生地黃錢二 何首烏錢一

細辛錢一 江子錢二 人參錢二

草麻子錢半 旱蓮草錢半 大黃錢一

百藥煎錢二 羌活錢一 南木香錢一

甘草節錢一 地蜈蚣根錢一 大胭脂錢一

右前藥咬咀用清油一升四兩重浸一二宿入銚內文武火煎藥黑色用布濾去滓上文火却以後藥為末次第入之

南木香錢二 安息香錢二 琥珀錢二

雲香錢一 乳香錢半 沒藥錢半

血竭錢半 香結錢半 韶粉錢一

自然銅錢一 桑白皮錢一 白芨錢一

白欬 雄黃錢半 黃丹錢二

右各入乳鉢內乳為細末

一下藥油次入黃丹以挑柳槐條不住手攪之

二次下自然銅白芨桑白皮白欬韶粉

二下木香琥珀安息雲乳鳩沒香結却看

藥色已黑滴水成珠不散為度傾在瓦

碗內放水二三日以出火毒再以放

地上三五日為妙隨時攤用

如要打做金絲膏藥却以前藥總為細末

却用松香一斤通明者入鉢內溶化用

棕濾淨外用清油四兩重熬熟又入黃

丹一兩同熬滴水成珠退出水中用藥

打成膏藥用水浸之一日一換冬月三

日一換

發背如黑不疼痛者即為陰也

艾葉一斤 雄黃兩半 硫黃兩半

右二味同水煮艾半日候溫敷之再煮別

艾又換以數十餘遍若疼痛則可瘰必不

死如不疼痛出黑血者必死矣

發背開不佳 初發時以開不佳即用此藥

箍之

右白藍梅皂角二味燒灰存性為細末不

發熱者米醋調塗四圍箍之連換即不走

開若加姜汁同醋調尤妙如發熱者用茶

清調塗箍之立効

治發背已潰未潰者最有神効

厚朴二錢 陳皮白去 甘草節二錢

蒼朮五錢 桑朮五錢

右入桑黃菘五錢同為細末齋已潰者則

乾摻之未潰者清油調塗

內固清心散治惡瘡熱盛嫩癰作渴煩燥此

藥解毒神効

辰砂 茯苓 人參

白豆蔻 雄黃 菘豆

朴硝 甘草 腦子

麝香 皂角各等

右總為細末每服一錢蜜湯調下

透膿散治諸般癰瘡及貼骨癰不破者不用

針刀一服不移時自透累用有驗

蛾口蟹用止了蟻

右將蟹兒燒灰用酒調服即透切不可用  
兩三箇蟹兒燒服若服一箇只一箇瘡口  
若兩三箇則瘡口多慎勿輕忽

仙傳外科秘方卷之八